

Sämikielâliih Muččâdumos juovlâlavluuh Helsigist pasepeeivi 4.12. tme 16.

Sämikielâliih Muččâdumos juovlâlavluuh lávlojeh Helsig tuámukirhoost **pasepeeivi 4.12. tme 16.** Tilâlâšvuotân puáhtá meiddei uásálistid̄ virtuaalkirho peht čujottâs **Helsing tuámukirkkoservikode YouTube-kanava** peht.

Taan ive juhloo Muččâdumos juovlâlavlui 50 ive juhleihe. Juhleive kunnen mij uázžup meiddei uđđâ sämikielâlii Muččâdumos juovlâlavluuh -vihko, mast lavluuh láá kuulmâ sierâ sämikielân; nuorttâlâškielân, anarâškielân já tavesämikielân. Juovlâlavluid láá láávlutmin sämmiliih musikkáreh, **Anna Näkkäläjärvi-Länsman** já **Aimo Aikio**. Urgurin palvâl **Harri Kerko**. Pispekode ovdâsteijen lääniruávást **Jukka Pakarinen** tuálá juovlârukkoos. Tilâlâšvuotâ jođettává tuámukirkkoservikode pastor **Yrjö Ikonen** já sämipappâ **Mari Valjakka**.

Sämikielâlii Muččâdumos juovlâlavluuh -vihkoost lii mielđ meiddei sämmilij jieijâs ráhtim juovlâlaavlâ, moos **Anna Näkkäläjärvi-Länsman** lii pieijâm šuoŋâ já saaniđ lii čáállám **Inger-Mari Aikio**. **Näkkäläjärvi-Länsman** mielđ “*Mun rahtim uđđâ tavesämikielâlii juovlâlavluu ohtsâšpargoost tivtâsteijee Inger-Mari Aikioin. Inger-Mari čäällim tekstâ muštâl čuovâ vyeimist. Lavlust čuovâ piäsá luovâs já addel juovlâmielâ. Tekstâ lii tievâ tuáivu já ilo. Lâi hirmâd šiev tobdo uázžud̄ nuottiđ teekstân melodia, oroi tehâlâžžân rähtiđ uđđâ tavesämikielâlii lávelumnáál materiaal. Lii jjárâskittee uáiniđ, maht sämikielâliih lávelooh väldih lavluu vuástá.*”

Juovlâlavluu saaniđ čäällim **Inger-Mari Aikio** muštâl: “*Taat lii muu vuossâmuš juovlâlaavlâ. Ko čaallim taam moonnâm täälvi, te lijjim Teneriffast. Nuuvt piäiváá já liegâs. Oroi penttâ hävskin čäälliđ tom tobbeen. Já meiddei imâšin, ete eidu mun lam tom čälimin. Mun tiädám, mon tehâliih juovlâlavluuh pyehtih leđe ulmuid. Mun lam kale eromâš čäivlâá já ilolâš tast, ko muu já Anna laavlâ lii tääl mielđ juovlâlaavlâvihkoost. Mun tuáivum, ete lavlust šadda uápis já räähis sämmiláid. Muu mielâst lavlust lii ennuv tuáivu, mon mij puohah tarbâšep sevŋâdumos ääigi.*”

Aanaar Pärttihist šoddâm já tääl Helsigist ässee **Aimo Aikio** mielâst “lii hirmâd pyeri ete muččâdumos juovlâlavluuh lãvlojeh tääl puoh sãmikieláid, meiddei nuorttãlãškielãn. Lii stuorrã kunnee uázžuđ leđe miel tohãmin taan historjá.”

Juovlãlavluuh kulmã sãmikielãn Helsig tuãmukirhoost **pasepeeivi 4.12. tme 16.**Tábãhtusãn puáhtã uásãlistid meiddei neeti peht čujottãsãst **Helsig tuãmukirkkoservikode YouTube-kanava.**

Lasetiãduh:

Sãmipargo čãllee Erva Niittyvuopio, 040 7690 044, erva.niittyvuopio@evl.fi
Pispekoddečãllee Hanna Remes, 040 5931 148, hanna.remes@evl.fi
Tuãmukirkkoservikode pastor Yrjö Ikonen, 050 5567 900, yrjo.ikonen@evl.fi